


Sampla lain i save senisim pasin blong ol taim ol onlain. Ol save pilim olsem ol ken mekim eni kain toktok nogut blong bagarapim narapela lain we ol ino nap mekim long pes.

Pasin blong rispekim ol arapela insait long dijital wol i ken kamap hat tru long laip tru, bikos olgeta samting yumi nap long lukim we bai helpim yumi ino save stap.

Yumi no inap long lukim ai blong ol, harim vois blong ol, lukim pes o lukim sapos ol i amamas, belhat, i laik save tru o i skin dai.

Bikos wanem samting yumi toktok em ol narapla lain i ken tingting krangki, yumi mas wok hat moa na was gut taim yumi toktok wantaim ol narapela onlain.



## Rispekim na wanbel long ol difren kain pipel

Em impoten long rispekim na wanbel long ol kain kain pipel – ino olgeta lain i wankain; ol kamap long kain kain ples, kain kain bilip na kalsa, na ol i gat kain kain tokples.

Sapos yu was gut long kamapim gutpela koneksen i save kamapim samting tru, dispela bai helpim long kamapim wanpla onlain komyuniti husat i save harim tok, gat klia tingting na kamapim samting wantaim.

## Hao bai mi toktok wantaim rispek?

1. Yu mas putim long tingting blong yu olsem baksait long olgeta skrin em igat man wankain olsem yu. Olgeta lain em impoten, olsem na mekim long ol olsem yu save lukautim yu yet.
2. Yu mas tingim bek ol samting long lukluk blong yu yet na ol arapela lain olsem yupla ino wankain na askeptim displa na was gut long pilim blong ol pipel, baksait stori blong ol na hao ol i lukim.
3. Tingting blong yu mas op na no ken traim long pasim tingting nating: askim yu yet sapos yu gat olgeta toksave pastaim long yu bekim toktok long wanem kain wei.

